

Kontuola

ANTZUOLA / Egubakoitza / 2005eko otsailaren 25a / 234. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Bost urteko epean 147 biztanle eta 175 etxebizitza gehiago ditu herriak

IRATI AGIRREAZALDEGI

Biztanle kopurua gorantz joan da azken urteetan herrian; azken bost urteetako datuei erreparatuta ikus daiteke 147 biztanle gehiago daudela Antzuolan. Besteak beste, etxebizitza berriak eraikitzeak izan du eragina gorakada horretan, 175 egin baitituzte.

Udaleko datuen arabera 2001. urte hasieran 1.896 biztanle zituen Antzuolak, eta urtean-urtean gorako joera izan du biztanle kopuruak, 2005eko hasieran 2.043 biztanlera iritsi arte. Azken 10 urteotako kopuru altuena. 2.000 biztanleko muga gainditu zuten irailean, eta, bost urteotako datuak kontuan hartuta, 147 lagun gehiago bizi dira herrian.

Biztanle kopuruak gora egitearen arrazoietakoa bat da jendea kanpotik Antzuolara etortzea bizitzera. Bost urteotan 313 lagun etorri dira. Batzuk ingurukoak, Espainiako hainbat txokotakoak besteak, eta Espainiatik kanpoak ere: Pakistan, Errusia, Argentina, Mexiko, Kolombia, Portugal eta Errumaniatik, guztira 19. Kanpotik jende gehien izan zuten, 121, hain zuzen ere.



Urte hasieran 2.043 biztanle zituen Antzuolak; orain dela bost urte baino 147 gehiago.

Bestalde, jaiotzek ere badute eraginik herriko populazioak gora egiteko orduan. Bost urtean 83 ume jaio dira Antzuolan. Jaiotza kopuru altuena 2003an izan zen, 21 ume jaio baitziren; gutxienez, berriz, 2002an, 12 ume.

HERRITIK KANPORA

Populazioaren gorabeherak aztertzerakoan herritik kanpora bizitzera joandakoak ere aipatu behar dira. 215 izan dira guztira bost urteotan joan direnak. Gehien 2002an, 57 antzuolar, hain zuzen.

Jendea herrira bizi izatera etortzeko etxebizitza berriak ere eraiki dira, 175 guztira. Gehien izan, 81 etxebizitza egin baitituzten. 2001ean, berriz, harrizkekoa bada ere, bederatzi etxebizitza baino ez zituzten eraiki.

ERREPIDEAK

Beheko auzoko bidegurutzean aldaketak

LA

Beheko auzoan bidegurutzea berritzeko asmoa aspaldikoa da. Udala, ordea, ez zetozen bat Foru Aldundiak proposatutako proiektuarekin.

Proiektu horren arabera, Bidegurutzeak ez zuen azelerazio karririk. Beraz, Udalak eskatu du proiektua berriro egiteko.


Izan ere, Lizarragatik datozen ibilgailuek errepide nagusiko bi karririk gurutzatu behar zituzten. Kontuan hartuta bide horretatik beste ibilgailuak abiadura handian datozela, oso arrisku-tsua zen herri barrura edo Zumarragarantz joateko bidera irtetea.

Kamioiendako are arrisku-tsua da maniobra hori egitea; eta Lizarragatik, Elay lantegitik, kamioi handiak irteten dira bidegurutze horretara.

AZELERAZIO KARRILA

Hala, Udaleko ordezkariak Foru Aldundikoei eskatu diete proiektua berriro idazteko. Aldaketa nagusia izango da bidegurutzean 200 metro inguruko azelerazio karrila egitea. Honela, ibilgailuek abiadura hartuko dute errepide nagusian sartu aurretik.

Datak oraindik zehaztu ez badituzte ere, aurreikusitako proiektua berriro idatzi eta urtea amaitu aurretik lanak hastea.



Udalean espero dute bidegurutzeko lanak urtea amaitu aurretik hastea.

LABUR

Masaje ikastaroa martxoetik apirilera bitartean

Masaje ikastaroa izango da martxoaren 3tik apirilaren 28ra. Mendebaldeko eta ekialdeko teknikak landuko dituzte Jose Luis Armendia irakasleak. Eskolak egunenetan izango dira, 19:00etatik 20:30era. Inon emateko udaletxera joan behar da martxoaren 1a baino lehen eta 35 euro ordaindu.

Errekaren proiektua ikusgai udaletxean

Erreka bideratzeko proiektuaren udaletxeko osoko bilkura eta toan ipini dute ikusgai, martxoaren 15era arte egongo da. Astelehenetik ostirala 10:00etatik 13:00etara eta 14:30etik 19:00ak arte; zapek tuetan, berriz, goizez bakarrik. Planoez gain irudi birtualek eta bideoa ipini dituzte.

Maristen gaineko material bilketa erakusketarako

Martxoaren 12an, 13an, 18an eta 20an Maristei buruzko erakusketak egingo dute. Horietarako, materiala jasotzen dituzte: argazkiak, liburuak, txartelak... Materiala udaletxean eraman behar da martxoaren 4a baino lehen. Erakusketak amaitutakoan jabeari itzuli liko zaizkio utzitakoak.

Karlistaden gaineko hitzaldia Olanen Etxean

Erretiratuen Elkarteak antolatuta hitzaldia izango da martxoaren 3an, Olanen Etxean 18:30ean. Juan Madariagatik antolatutako erakusketak karlistadaren foruen abolizioari buruzkoak egingo du. Antolatzaileek herritarrek gonbidatu dituzte gai honek Euzko Herriaren historian izan duen garrantziarengatik.

HIRIGINTZA

Sinadura bilketa asteburuan, plaza gorrian etxeak eraikitzearen kontra

I.A.
Hainbat antzuolar ez datoz bat Udalak Beheko Auzoko plaza gorrian etxeak egiteko duen proiektuarekin. Hori dela eta, asteburuan sinadura bilketa egingo dute Kalebarrenean, euren ezadostasuna herritarren babespean Udalarri helarazteko.

Udalak Beheko Auzoko plaza gorrian 50 etxebizitza egin nahi ditu, eta ekipamendu batzuk Sagasti aldera eraman. Hainbat antzuolarren esanetan, "proiektu horrek Beheko Auzoari, Eguzki Auzoari eta Sagastiri eragingo die, eta, orokorrean, herri osoari".

Hori dela eta, euren kexa azaldu zuten, baina "Udalak ez du interesik azaldu auzokoekin hitz egiteko", esan dute. Herritarren partaidetza beharrezkoa dela gaineratu dute: "Gure hitza entzunda edozein aldaketa adostasun maila handiarekin egin ahal izateko. Kalitatezko herria, bizi-baldintza egokienak eta benetako partaidetza demokratikoa ditugu jokoan".



Gaur egun jolaserako erabiltzen den plaza gorrian egin nahi dituzte etxeak.

Udalaren jokaerarekin desadostasuna azaldu eta jarrera alda dezala eskatu nahi duten herritarrei euren sinadura emateko

eskatu diete. Sinadurak biltzeko Kalebarrenean mahaiak ipiniko dituzte otsailaren 26an iluntzean eta 27an eguerdian.

GARRAIOAK

Autobusez egingo dute lotura tranbiarekin

I.A.
Oraindik tranbia errepidean ikusterako denbora luzea pasa beharko da. Baina Bergararik Aretxabaletara bitarteko ibilbidearen proiektua paperean ikus daiteke. Jendaurrean ipini dute Arrasateko, Bergarako eta Aretxabaletako udaletxeetan.

Tranbia ez da Antzuolatik igaroko. Hala ere, proiektuak aurreikusten du Antzuolatik trenbide-

arekin lotura egingo duten autobusak ipintzea.

BERGARAKO GELTOKIRA

Antzuolatik gertuen egongo den Bergarako geltokira joango dira herritik irtendako autobusak, eta bueltarako ere bertan hartu ahal izango dira.

Autobus zerbitzua zein konpainiak eskainiko duen zehazteke dago oraindik. Baina baliteke Euskotrenek hartzea bere gain.



Begarakoa izango da Antzuolatik gertuen geratuko den tranbiaren geltokia.

HERRITARREN HITZA / Iñigo Ramirez de Okariz · Kultura, Kirol, Gazte eta Hezkuntza zinegotzia

Haur Eskola martxan dago

Familiaren egitura aldatzearen ondorioak nahiz kulturen artekoasuna praktikan, hemen daude, urrutira joan gabe, Antzuolan, eta bereziki inauguratu berri dugun Haur Eskola honetan.

Herrigintza barruan, eta herritarrei oinarritzko zerbitzuak eskaini nahian, lehentasu bezala hartu zuen gure udalbatzak Haur Eskola sortzea. Diziplinen artekoasunean egina dagoen proiektua da berau; izan ere, diseinuan eragile ezberdinek hartu dute parte: psikologoak, pedagogoak, irakasleak, gurasoak... Baita arkitektoak, aparejadoreak...

eta politikoak ere. Sujerentziak, kezak, arazoak, denek ekarpenak aberasgarriak izan dira, Haur Eskolaren espazioa eta hornikuntzaren forma eta erabilera eztabaidatzeko.

Beraz, ez dugu "umeak aparkatzeko" gune bat sortu nahi izan, baizik eta txiki-txikitatik gure seme-alabak hasiak diren bizikidetzarako eta gizarteratzeko hazi-gunea sortu nahi izan dugu. Hau da, gune



"Haur Eskola hau ez zen posible izango jende kompetentea hurbil ez balitz"

integratzaile bat, eta aldi berean hezkuntza sistemarekin ere bat egiten duena; izan ere, herriko ikastetxearekin bat eginda dago.

Baina Haur Eskola hau ez zen posible izango jende kompetentea egongo ez balitz hurbil. Aipamen berezia eta eskerrak eman nahi dizkiot Juanjo Kintelari, psikologo, pedagogo eta maisutasunez eta ilusioz, paregabeko bidelagunari.

Baina baita, nola ez, ikastetxeko

irakasle, guraso, Partzuergo, Kutxa eta Goizperri ere.

Dena den, baserritar batek uztan on bat jasotzeko egiten duen bezala, lurra ondo goldatu eta hazia erein besterik ez dugu egin. Hemendik aurrera jakin ahal izango dugu hazi hori nola ernalditu eta uzta ematen duen. Beraz, gure lana, hemendik aurrera, baserritar horrek egingo lukeen bezala, egunez egun jorraketa on bat egitea izango litzateke, datozen urteetako uztak onak izan daitezten.

Eskerririk asko, ba, zuzen edota zeharka, proiektu hau gauzatzeko laguntza eskaini duzuen guztioi.

KIROLA

PARTIDUAK

FUTBOLA

Otsailak 26
11:30: Antzuola-Urki (Neskak)
15:30: Antzuola-Oiartzun B (Gazteak)

PILOTA

Otsailak 26
17:00: Olalde-Eibar (Kadeteak)

EMAITZAK

FUTBOLA

Zestoa B 2 Antzuola 0 (2. erregionala)
Gure Txokoa 1 Antzuola 2 (2. gazteak)
Antzuola 3 Urki C 2 (2. kadeteak)
Antzuola 5 Vasconia 2 (Infantilak)
Almen Arizmendi 3 Antzuola 5 (Neskak)

PILOTA

Bergara-Olalde (Kadeteak eskuz) 4-22
Aretxabaleta-Olalde (Nagusiak eskuz) 22-13
Olalde-Real Sociedad (Pala motza) 40-22

LARREA
TABERNA
Kalebarren 17
ANTZUOLA

MUJIKA HARATEGIA

Berezitasunak: Etxean hazitako zekorrak eta oilaskoak
Kalebarren, 1.
ANTZUOLA
Tf. 943 76 64 34

AITZ-GARBI
taberna jatetxea

Pintxoak eta kazuelatxoak.
Bazkariak eta afariak
Kalebarren 15. Tf. 943 78 70 51
ANTZUOLA

Juan Cruz
ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak
BITXITEGIA
Marrokineria
Erlojuak, Bitxiak
Opari gaiak
Herriko plaza 4. Tel. 943 78 70 66. ANTZUOLA